

皇清經解續編

皇清經解集編

皇清經解續編卷千一百

南菁書院

公羊義疏十二

句容陳立卓人著

桓四年
盡五年

四年春正月公狩于郎疏

隱元年左傳費伯帥師城郎杜云郎魯邑高平方與縣東南有郁郎亭春

秋正辭云狩不月此月決不王也

狩者何田狩也注田者蒐狩之摠名也古者肉食衣服捕

禽獸故謂之田取獸于田故曰狩易曰結繩罔以田魚疏注

者至名也○御覽引白虎通云四時之田總名為田何為田

除害也繁露深察名號云獵禽獸者號一曰田田之散名春

苗秋蒐冬狩夏禰無有不皆中天意者是散名有蒐狩之別

總號則曰田也毛本作總鄂本宋本閩本監本同作摠董仲

舒皆本公羊立說公羊無夏田繁露有夏禰者後人妄加也

范云春而言狩蓋用冬狩之禮杜云周之春夏之冬也田狩

從夏時○注古者至之田○禮記禮運云昔者先王未有火

化食草木之實鳥獸之肉飲其血茹其毛未有麻絲衣其羽

皮鄭注此上古之時也舊疏云此古者謂三皇之時也按禮
運又云後聖有作然後修火之利疏云謂神農也則當是庖
犧以前事又易繫辭云黃帝堯舜垂衣裳而天下治則神農
時猶衣皮服也故舊疏引鄭易注云始去羽毛又引鄭注易
說云古者田魚而食之因衣其皮先知蔽前後知蔽後後王
易之以布帛而猶存其蔽前重古道不忘本也是也詩鄭風
太叔于田云叔于田傳田取禽也是取義於捕禽獸也又兼
爲田除害義○注取獸至曰狩○此獸符疊韻爲訓也國語
齊語云田狩畢弋韋注狩圍守而取禽也守狩亦疊韻爲訓
○注易曰至用魚○鄂本宋本同作罔閩本監本毛本作網
非約繫辭傳下文也彼云作結繩而爲罔罟以田以魚蓋取
諸離李氏易傳引虞翻注云離爲日巽爲繩日之重者爲罟
故結繩爲罟坤二五之乾成離巽爲魚坤二稱田罟取獸曰
田蓋取諸離也則虞本無罔字繫傳叙於庖犧世知在神農
修火利以前也易本或作佃漁者呂氏音訓云陸氏曰佃音
田亦作田漁音魚本亦作魚又言庶反馬云取獸曰出取魚
曰春曰苗注苗毛也明當見物取未懷任者疏注苗毛至任
文云苗者毛取之毛猶現也詩關雎左右芼之玉篇見篇引
作規規謂擇也言春時萬物懷任當擇而取之也當見鄂本
作當毛疑古本作現後人脫去毛旁遂作見鄂本又脫去見
旁只作毛耳爾雅釋天以苗獵名與左氏隱五年傳同左疏

引孫炎爾雅注及周禮鄭注並以夏田爲苗爲擇取不孕任者若治苗去不秀實者與何義合然不若以現釋苗之較爲簡捷御覽引白虎通亦云夏謂之苗何擇去懷任者也惟皆謂苗爲夏田何氏所不取郭注爾雅云爲苗除害就夏田釋耳然卽如左傳周禮爾雅所記四時田獵皆爲苗除害也豈獨夏爲然哉任妊通史記鄒陽傳注紂刳任者觀其胎產又方書督脈屬陽循脊而上至鼻任脈屬陰循腹而上至咽女子二十任脈通則有子秋曰蒐注蒐簡擇也簡擇幼稚取其大者疏又作搜亦作蒐國語周語蒐於農隙韋注蒐擇也禽獸懷任未著搜而取之也御覽引白虎通云秋謂之蒐何蒐索肥者也說苑云蒐者搜索之皆與此義合爾雅以蒐爲春獵名注搜索取不任者穀梁傳釋文蒐糜信作搜搜訓求故有簡擇之義幼稚宋本同閩本監本毛本稚改穉下同范云冬曰狩注狩猶獸也冬時禽獸長大遭獸蒐擇之舍小取大

可取不以夏田者春秋制也以爲飛鳥未去於巢走獸未離

於穴恐傷害於幼稚故於苑囿中取之疏注狩猶至可取○詩車攻云搏獸于

敖水經注及東京賦並引作薄狩于敖初學記引作搏狩蓋狩本古獸字淮南覽冥訓狡蟲死高注蟲狩也漢石門頌蕙

虫彘狩皆以狩作獸也詩亦當作狩故鄭箋云田獵搏獸也
御覽引白虎通云冬謂之狩何守地而取之也說苑云狩者
守留之惠氏棟毛詩古義云搏獸于敖水經注引云薄狩于
敖東京賦同徐堅初學記引作搏狩按狩本古獸字故鄭箋
云田獵搏獸也何休公羊注云狩猶獸也說文犬部狩火田
也段注釋天曰冬獵爲狩周禮左傳公羊穀梁夏小正傳毛
詩傳皆同又釋天曰火田爲狩許不稱冬獵而稱火田者火
田必於冬王制曰昆蟲未蟄不以火田故言火以該冬也爾
雅郭注云得獸取之無所擇詩疏引李巡云冬圍守而取禽
無所擇也范云狩圍狩也冬物畢成獲則取之無所擇○注
不以至取之○舊疏云正以周禮四時皆田故也按春蒐夏
苗秋獮冬狩見周禮大司馬職禮記王制云則歲三田鄭注
云三田者夏不田蓋夏時也彼疏引何氏廢疾云運斗樞曰
夏不出穀梁有夏田於義爲短鄭釋之云四時皆田夏殷之
禮詩云之子于苗選徒囂囂夏田明矣孔子雖有聖德不敢
顯然改先王之法以教授於世若其所欲改具陰書於緯藏
之以待後王穀梁四時田近孔子故也公羊正當六國之亡
識緯見讀而傳爲三時田作傳有先後雖異不足以斷穀梁
也又引釋廢疾云歲三田謂以三事爲田卽上一曰乾豆之
等按鄭注王制以夏不田爲夏制而釋廢疾又以四時田爲
夏殷禮蓋殷周之誤惟又以歲三田爲以三事爲田與禮注
乖當以禮注爲正劉氏逢祿云鄭於王制注云歲三田者夏

不出蓋夏時也穀梁後於公羊徒据經文公羊得之授非
六國時見讖緯而作也漢初公羊盛行故王制据以爲三田
以爲夏時則無据三事田則自亂其例矣易述田事凡六爻
以卦氣言之解二月春田也巽八月秋田也大畜秋分前五
日曰日閑輿衛言治兵也師比四月夏田也離初九主夏至
以後無田冬夏至陰陽之微易重氣始義當安養屯十月戒
從禽也然則春秋夏不田冬狩改於孟春皆述殷制與夏時
周易微有損益若周官六國時書固不合也說苑云夏不田
何也曰天地陰陽盛長之時猛獸不攪驚鳥不搏蝮蠱不螫
鳥獸蟲蛇且知應天而況人乎哉是以古者必有參牢與此
義相足孔氏通義謂周禮四時皆田傳唯舉三時者諸侯之
制也禮天子周城諸侯軒城天子宮懸諸侯軒懸周四望魯
三望天子備四時之祭諸侯闕其一以下於王故唯三田而
已何邵公以爲春秋之制夏不田者妄也繁露云獵禽獸者
號一曰田田之散名春苗秋蒐冬狩夏獮可證公羊師說有
四時田矣按夏不田劉向鄭康成俱有是說知非何氏剏造
繁露自承祠烝嘗四時祭祀之爲說蓋卽申明周禮不必
卽爲說春秋公羊先師以三田爲春秋制故漢博士据以作
王制所謂春秋爲後王法也王制明云天子諸侯非專謂侯
制可知又考孟子梁惠王篇今王田獵於此百姓聞王車馬
之音見羽旄之美舉疾首蹙頰而相告曰吾王好田獵夫
何使我至於此極也趙注田獵無節以非時取獸也蓋亦指

夏田爲非時也禮記月令季春田獵罝罾羅網畢翳餞獸之藥毋出九門孟夏之月驅獸無害五穀無大田獵王制獺祭魚然後虞人入澤梁豺祭獸然後田獵鳩化爲鷹然後設罝羅昆蟲未畢不以火田皆夏不田之義國語魯語宣公夏濫於澗淵里革斷其罟而棄之曰鳥翼穀卵魚禁鰓鮪獸長麋虞皆卽何氏恐傷幼稚意也於苑囿中取之者預畜於囿以備祭祀之用說苑所謂必有常事不書此何以書譏何譏爾豢牢者是也孔氏之說俱矣

遠也

注以其地遠禮諸侯田狩不過郊疏

注以其至過郊○舊疏云以其地遠

而舊云以其去大野遠故言遠者非校勘記云當作以其地遠野太遠若然下十年冬齊侯衛侯鄭伯來戰于郎傳云郎者何吾近邑者蓋郎爲遠郊之地故禮記檀弓云戰于郎而哀十一年左傳謂郊之戰別國來戰深入竟內故曰吾近邑若尋常田狩近郊之地皆可必勞師罷民去國遠遊故示譏焉杜云郎非國內之狩地故書地孔疏隱五年公矢魚于棠傳曰言遠地也僖二十八年天王狩于河陽言非其地也舉地名者皆言其非地故知此郎非國內之狩地故書地也若國內狩地大野是也哀十四年傳西狩于大野經不書大野明得其常地故不書耳由此言之則狩于郎蒐于紅及比蒲昌間皆非常地故書地也田狩之地必有常者古者民多地狹唯在山澤之間乃有不殖之地故天子諸侯必於其封內擇

隙地而爲之儻三十三年傳鄭之有原圖猶秦之有具囿也是其諸國各有常處違其常處則犯害民物故書地以譏之又云公羊說諸侯遊戲不得過郊左氏無此義要言遠者亦是譏其失常地也按孔氏左疏甚該洽而舊疏以郎邑在郊內其屬地在郊外若据邑言之則爲遠以他國來戰言之已入不知以狩不過郊言之此郎則爲遠以他國來戰言之已入竟內此郎又爲近也義各有當不諸侯曷爲必田狩注据有必牽合二經轉迂回不可通也

囿也疏

注据有囿也。舊疏云卽成十八年築鹿囿之屬是也。說文口部囿苑有垣也。一曰禽獸曰囿。國語周語

云囿有林池楚辭愍命云熊羆羣而逸囿韋昭王逸注皆云囿苑也。呂覽重已篇注畜禽獸取大曰苑小曰囿。周禮囿人職云掌囿遊之獸禁鄭注囿遊囿之離宮小苑觀處也。掌獸以宴樂視之彼疏引書傳云鄉之取於囿是勇力取是囿亦爲蒐狩之常處也。知諸侯皆有囿者詩靈臺云王在靈囿傳囿所以域養禽獸也。天子百里諸侯四十里成十八年注又云天子囿方百里大國公侯十里伯七里子男五里不同者蓋本無定制故說有歧殊也。則傳意諸侯自有囿有禽獸可取足供祭享之用而經書田一曰乾豆注一者第一之殺狩因据爲難故注云据有囿也。一曰乾豆注一者第一之殺

也。自左膘射之達於右髀中心死疾鮮屑故乾而豆之中薦

於宗廟豆祭器名狀如鐙天子二十有六諸公十有六諸侯

十有二卿上大夫八下大夫六士三

疏禮記王制云天子諸侯無事則歲三田一

爲乾豆二爲賓客三爲充君之庖易比云王用三驅馬融云

一曰乾豆二曰賓客三曰充君之庖穀梁傳四時之田用三

焉唯其所先得一爲乾豆二爲賓客三爲充君之庖乾禮記

釋文云音干則讀如詩中谷有摧嘆其乾矣之乾謂燥也正

字亦宜作乾見玉篇○注一者至宗廟○詩車攻云大庖不

盈毛傳故自左膘而射之達于右隅爲上殺孔疏自左膘而

射之達於右肩隅爲上殺以其貫心死疾肉最絜美故以爲

乾豆也范云上殺中心死速乾之以爲豆實可以祭祀十行

本隅作耦校勘記云依說文當作耦古書有作耦者从身誤

肩鄂本作絜毛本作潔非按肩猶絜也故不絜謂之不肩孔

詩疏或卽用此注則作絜是也膘說文肉部膘牛脅後髀前

合革肉也釋文引三蒼云小腹兩邊肉段氏玉裁說文注云

他處革與肉可分剝獨此處不可分剝故也七發所謂騶牛

之腴其實凡獸皆然不專牛也廣韻云脅前蓋近脅處今人

謂馬肥爲膘肥謂最薄處皮肉相合者也耦釋文云本又作

耦說文骨部耦肩前也士喪禮記卽牀而奠當耦注耦肩頭

也是耦卽耦字釋文引字林云肩前兩乳骨也蓋左小腹旁

邪達于右肩必貫心故死疾而鮮絜也舊疏云時王之禮古

制無文按此必有成文故毛詩傳何氏此注並依而用之古
籍散亡不可考耳王制注云乾豆謂腊之以爲祭祀豆實也
孔疏豆實非脯而云乾者謂作醢及鬻先乾其肉也此云乾
而豆之疑有誤字○注豆祭至如鐙○爾雅釋器云木豆謂
之豆竹豆謂之籩瓦豆謂之登郭注豆禮器也登卽膏登也
禮記祭統云夫人薦豆執校執醴授之執鐙注校豆中央直
者也鐙豆下附也急就章鐙所以盛膏夜然燎者也其形若
杆而中施釭有柄者曰鐙無柄者曰錠枌謂下施足也蓋豆
邊登形制皆同但有竹木瓦之殊故詩生民云卽盛于豆于
豆于登明皆祭器名故毛傳云豆薦菹醢也登太羹也按說
文豆古食肉器也周禮梓人所云食一豆肉中人之食也禮
記坊記觴酒豆肉卽此其祭器當作楹說文云木器謂之楹
从木豆是也鐙當作彝說文彝禮器也讀若鐙同儀禮公食
大夫禮云太羹湑不和實于鐙卽此其祭統之鐙自足下附
之名豆邊登三者皆有之也郭注爾雅又以膏鐙形狀似禮
器之登故以膏登釋之說文鐙錠也楚辭招魂云蘭膏明燭
華鐙錯些是也此注云狀如鐙蓋同郭義○注天子至士三
○各本作士二依鄂本正穀梁疏亦引作三自下大夫上禮
器文彼無卿字是也舊疏云其土三者何氏差也鄭注禮器
云豆之數謂天子朔食諸侯相食及食大夫公食大夫禮曰
宰夫自東房薦豆六設於醬東此食下大夫而豆六則其餘
著矣聘禮致饗餼於上大夫堂上八豆設於戶西則凡致饗

餽堂上之豆數可知周禮公之豆四十其東西夾各十二侯
伯之豆三十有二其東西夾各十子男之豆二十有四其東
西夾各六孔疏皇氏云天子之豆二十有六者天子庶羞百
二十品籩豆各六十今云二十六者說堂上數也堂下東西
夾各十七兩十七合三十四就二十六故合六十也今按禮
有正羞庶羞故公食大夫禮設韭菹醯醢六豆設於醬東是
正羞也庶羞設於稻南腳臠臠牛炙之等十六豆謂之庶羞
又掌客云公豆四十又云食四十則豆盛正羞食謂庶羞也
故鄭注掌客云食者其庶羞美可食者是庶羞與正羞別此
上大夫八豆下大夫六豆皆爲正羞而天子二十六豆亦爲
正羞故熊氏以爲正羞醢醢百二十饗之等但不知堂夾若
爲陳列皇氏以爲庶羞其義非也鄭引公食大夫禮以證下
大夫六豆之義下大夫六豆設於堂上則天子之豆二十有
六諸公十有六諸侯十有二亦設於堂上矣聘禮致饗餼於
上大夫堂上八豆西夾六豆東方亦如之是堂上東西夾各
設其豆東西夾又減於堂上之數上公堂上十六豆故知東
西夾各十二侯伯堂上十二故知東西夾各十子男堂上十
二故知東西夾各六也按豆數見之掌客其陳于堂上及東
西夾則鄭氏以義言之也經義述聞云由公而侯而上大夫
皆降殺以四而由天子而公則降殺以十多寡不齊天子與
諸公爲君臣猶諸侯與上大夫也諸侯多於上大夫四豆而
天子多於諸公乃十豆增減之例亦不相準疑本作天子之

豆二十因下文諸公十有六遂衍有六二字二十者五四之
合數也故其降殺以四四四得十六故諸公十六三四得十
二故諸侯十有二二四得八故上大夫八下大夫再命但卑
於上大夫一命故降殺以四之半而六也若二十六則既多
於四六之合數而又少於四七之合數將何以爲降殺之本
與公羊注蓋亦後人據誤本禮記加之也鄭注以此豆數以
堂上之豆說曰周禮公之豆四十其東西夾各十有二侯伯
之豆三十二其東西夾各十子男之豆二十四其東西夾各
六是鄭稽合周禮禮器之豆數也天子之豆周禮雖不言其
數然公以下之豆皆登降以八則由公豆而登之天子之豆
當四十有八而在堂上者二十有六則東西夾各十有四其數正相
合也若謂堂上之豆二十有六則東西夾各十有一十而餘
一非鼎俎奇而籩豆偶之義矣陸佃說以醢人四豆曰天子
朝事八豆饋食八豆又加豆八羞豆二所謂二十有六按醢
人注朝事爲薦血腥之祭饋食爲薦孰之祭此天子之豆不
云宗廟之祭則非指祭祀言之故鄭注謂天子朔食諸侯相
食及食大夫也陸說似是而非此說乾豆爲祭事何氏引禮
器文者特因豆廣言之不必卽以此豆數爲祭品也宋本作
士三似不如作士二爲是籩豆偶故也上下大夫尊
卑相近故降殺以兩士卑于大夫故亦降殺四也

二曰賓

客注二者第二之殺也自左臆射之達於右脾遠心死難故

以爲賓客疏

注二者至賓客○釋文作左脾云方爾反又步

股之髀非脾肺之脾何注脾字二見皆當作髀按說文肉部脾土臧也無所謂左右骨部髀股外也肉部股髀也又大部奎兩髀之間也則髀爲股外骨名故得有左右沈氏形釋骨云腰髀骨旁臨兩股者曰堅骨曰大骨曰髀一身的屈伸司焉故通曰機關關之旁曰髀樞亦曰樞機者髀骨之入樞者也
在膝以上曰髀骨曰股骨其直者曰樞其斜上俠髀者則所謂機也由左髀達右髀遠心死稍遲肉已不及一殺之鮮絜故以爲賓客也詩車攻傳云射右耳本次之箋云射當爲達孔疏次殺右耳本當自左肩髀也不言自左舉下殺之射左髀可推而知也與此微異范云次殺射髀髀死差遲與何氏合爲賓客者爲賓客之俎實也
三曰充君之庖注充備也庖廚也三者第

三之殺也自左臆射之達於右膈中腸胃污泡死遲故以充

君之庖廚已有三牲必田狩者孝子之意以爲己之所養不

如天地自然之性逸豫肥美禽獸多則傷五穀因習兵事又

不空設故因以捕禽獸所以其承宗廟示不忘武備又因以

爲田除害狩例時此月者譏不時也周之正月夏之十一月

陽氣始施鳥獸懷任草木萌芽非所以養微疏注充備也○小爾雅廣言

云充備也○注庖厨也○廣雅釋室云庖厨也王制注庖今

之厨也說文广部庖厨也○注三者至庖厨○校勘記云脔

宋本閩本同毛本作脔誤胃各本亦作脔俗字遲各本作遲

詩車攻傳云射左骹達於右骹爲下殺校勘記云五經文字

骹羊紹反見春秋傳又作骹見詩見春秋傳者卽指公羊此

注也見詩者指毛詩車攻傳也今詩傳作骹此注作骹皆骹

字形近之訛作骹从肖故音羊紹反毛詩音義字書無骹字

一本作骹與張參所据春秋傳正合然則毛詩傳公羊注皆

當作骹廣韻三十小云骹堅骨按骹骹皆不見於說文而

集韻骹骹同以紹切則丁度等所据作骹矣集韻無骹字五

經文字注中骹乃骹之誤詩音義骹字亦骹之誤按詩釋文

云骹餘繞反又胡可反謂水賺也字書無此字一本作骹音

羊紹反又羊招反呂忱子小反此傳釋文云右骹羊紹反字

林子小反一本作肱音賢骹與骹俱不得音羊紹反當依詩

釋文所引一本作髀似爲近之髀爲脅後肉自左脅後達右

脅後適中腸胃汚泡死最遲肉故惡故充君之庖也范云下

殺中腸汚泡死最遲先宗廟次賓客後庖厨尊神敬客之義

當作黼也。○注已有至除害。○皆書大傳文見儀禮集傳集注引三牲謂牛羊豕下八年注云天子諸侯卿大夫牛羊豕凡三牲曰太牢是也。釋文捕本又作搏音博按當作搏禽獸御覽引韓詩內傳曰春日畋夏曰搜秋曰獮冬曰狩天子抗大綏諸侯小綏羣下獻禽其下天子親射之于門夫田獵因以講道義習武簡兵也說苑修文云其謂之畋何聖人舉事反本五穀者以奉宗廟養萬民也去禽獸害稼穡者故以田言之聖人作名號而事義可知也後漢書陳蕃傳臣聞人君事於苑囿唯仲秋西郊順時講武殺禽助祭以敦孝敬御覽引白虎通云王者諸侯所以田獵何爲田除害上以其宗廟下以簡集士衆也續漢志引薊邑月令章句云寄戎事之教於田獵武事不空設必有以誠故寄教于田獵閑肄五兵焉又書鈔引白虎通云王者祭宗廟親自取禽者何尊重先祖必欲自射加功力焉穀梁秋蒐于紅傳云因蒐狩以習用武事禮之大者也艾蘭以爲防置旃以爲轅門以葛覆質以爲繫流旁握御輦者不得入車軌塵馬候蹄揜禽旅御者不失其馳然後射者能中過防弗逐不從奔之道也面傷不獻不其禽不獻禽雖多天子取三十焉其餘與士衆以習射于射宮射而中田不得禽則得禽田得禽而射不中則不得禽是以知古之貴仁義而賤勇力也。○注狩例時。○舊疏云卽莊四年冬公及齊人狩于郕僖二十八年冬天王狩于河陽是也。○注此月至養微。○公羊問答云易通卦驗曰十一月廣

莫風至則蘭夜干生月令仲冬日短至陰陽爭諸生蕩芸始生荔挺出後漢書陳寵傳云冬至之節陽氣始萌故十有一月有蘭射干芸荔之應天以爲正周以爲春此可見三代時月相變而宋儒夏時冠月之說不足据按冬夏至陰陽之微五者順時舉事故以養微爲重也若然夏小正十一月王狩周禮仲冬遂以狩田者彼當王之制此春秋制也故書月以譏不時與舊疏云在哀十四年孔子欲夏之孟冬以爲田狩之月

夏天王使宰渠伯糾來聘

宰渠伯糾者何天子之大夫也其稱宰渠伯糾何注据劉卷

卒氏采不名且字

疏

惠氏棟左傳補注云案渠周邑昭二十六年傳劉子以王出次于渠注云周地

然則伯糾蓋氏於邑者○注据劉至且字○見定下大夫也四年劉其氏卷其且字不名也据以難稱伯義也

注天子下大夫繫官氏名且字繫官者卑不得專官事也稱

伯者上敬老也上敬老則民益孝上尊齒則民益弟是以王者以父事三老兄事五更食之於辟離天子親袒而割牲執